

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars secunda, hoc est:
Solida, ad descendam & exercendam, ex evangeliis tam
dominicalibus quam festivalibus Christi & sui-ipsius
notitiam, informatio**

Creide, Hartmann

Francofurti ad Moenum, 1682

Exegesis

[urn:nbn:de:bsz:31-126164](#)

In die festo Matthiæ Apostoli.

Evangelium, Matth. II. v. 25. -- 30.

EXORDIUM.

DE præpotente Rege Ahasvero referetur, quod nemini, non vocato interius atrium Regis intrare licuerit, quin statim juxta statutum imperfectus fuerit; nisi forte rex auream virgam ad eum tetenderit, pro signo clementia, *Esther. 4. v. II.*

Nos quoque Regem habemus, & qui dem multo potentiores Ahasvero: cœlum enim sedes ejus, terra autem scabellum pedum suorum, *Esa. 66. v. I.* Sed adeo inhumanus non est erga subditos suos: verum nihil magis optat, quam ut omnes accederent, & beneficiorum suorum participes evaderent, quos proinde porrectis manibus expectat. Est enim verum *πλάνης*, *Sap. 12. v. I.* Et sicut in mundum venit querere & salvum facere, quod perierat, *Luc. 19. 20.* ita etiam in eo summiam voluptatem capit, quando plurimos ad se venire videt, & gratiam accipere, quam in verbo & sacramentis reposuit, ideo ait: qui venit ad me, non ejiciam foras; *Joh. 6. 37.*

Exemplum habemus in prælecto Evangelio, ubi omnes laborantes & oneratos ad se vocat, clementer promittens, sed refectum illo esse: Et quamvis non omnes accedant, sed plurimi ex sapientibus hujus seculi benevolam hanc ejus invitationem susque deinceps habeant, & libentius ad domum convivii eant, *Eccles. 7. v. 3.* aut ad negotiationem suam, *Matth. 22. v. 5.* attamen gratias agit patri suo cœlesti pro parvulis, i. e.

simplicibus, quod illos illuminatos, ad agnitionem veritatis pervenire voluerit. *Vnus enim justus majoris estimatur in oculis Dei, quam mille impii* quod exemplo Sodomæ & Gomorrhæ patet, quibus Deus pepercisset, si modo decem ibi justi inventi fuissent, *Gen. 18. v. 34.*

Hoc Evangelium pii Veteres, in diem Matthiæ explicandum in Ecclesia ordinaverunt, qui loco Judæ, sorte ad Apostolatum electus est, ut constat ex *Act. I. 23.* Aliis in locis mentionem ejus non factam legimus, plurimi cum in Judæa jussu summorum Pontificis imperfectum autemant. Hoc certissimum est, quod morte & sanguine suo, ad exemplum reliquorum Apostolorum, Evangelicam veritatem conformaverit, & quasi obsignaverit, juxta Christi prædictiōnem, *Joh. 16. 12.*

Nos sine ulteriori ambage ad ipsam Evangelii tractationem nos conferemus, cunctodaturi:

- I. *Ανθεμολογια*, sive *notitiam nostri.*
- II. *χριστουρια*, sive *notitiam Christi.*

J.J.

Exegetis.

PAtriarcha Abrahamus, filium suum Isaacum in honorem Dei, in Moriamonie

te sacrificaturus, asinum ad radicem montis reliquit, Gen. 22, 5.

Nobis idem faciendum est, ut asinum carationis, asinum ignorantiae, asinum propria gloria & sapientiae, inferius ad radicem montis relinquamus, si Domino sacrificium gratum & acceptum offerre velimus. Non enim multi sapientes secundum carnem &c. 1. Cor. 1, 26.

Eo collineat Christus cum gratiarum affectione sua in praelecto Evangelio, inquiens: Confiteor tibi, pater, Domine cœli & terræ: quia abscondisti hæc à sapientibus & prudentibus; & revelasti ea parvulis. Ita Pater, quoniam sic placitum fuit ante te &c.

Notetur hic ad Argonautas iuris, sive notitiam nostris, perdiscendam:

I. Sapientum hujus mundi reprobatio, sic enim ait Servator: Confiteor tibi, pater, Domine cœli & terræ: quia abscondisti hæc à sapientibus & prudentibus &c.

Hoc non absolute & simpliciter intelligendum est, quasi Deus quibusdam media salutis invidisset, ne per Evangelium illuminarentur, converterentur, & salvarentur: id enim de Deo ne quidem somniari debet, qui in verbo multoties contestatus est, nolle se mortem peccatoris: sed potius velle, ut omnes salvifierent, & ad cognitionem veritatis pervenirent, 1. Tim. 2, 4. Verum ideo sapientibus & prudentibus hujus mundi, regni sui mysteria abscondidit, quia præ majoris sapientiae imaginatione cœlestem sapientiam justificare volunt, Luc. 7, 35. Quia enim in Dei sapientia non cognovit mundus per sapientiam Deum, placuit Deo per stultitiam prædicationis salvos facere credentes, 1. Cor. 1, v. 21. Hic causa exprimitur,

cur sapientes & prudentes hujus mundi à Deo reprobati sint, quæ non est voluntas Dei alias omnes causas antegrediens; sed quia se nimis sapientes estimant, & mysteria divina ratione sua metiri volunt, hinc faciunt, ut nihil intelligent, dimissi à Deo secundum defideria cordis &c. Psal. 81, 13.

Hic examen tecum institue, mi Christiane! utrum & ipse hac in parte deliqueris, quod verbum & voluntatem Dei adorationis statueram appendere, curiose rimari, vel alio modo, insigni hoc Dei dono abuti presumferis?

Evidem sapientia & prudentia simpliciter non improbanda est

1. In Choro, quod scripturam attinet, ut sciamus, quomodo spiritualia spiritualiter dijudicanda sint, 1. Corinth. 2, 13. & verbum veritatis recte secari debeat, 2. Timoth. 2. v. 15.

2. In Foro, ubi enim non est consilium, populus corruet, salus autem, ubi multi sunt consiliarii, Prov. 11, v. 14. sic David prædictatur, quod prudentius se gesserit, quam omnes servi Saul, 1. Sam. 18, v. ult. Parimodo Nebucadnezar in Daniele ejusque sociis inventit decuplum sapientia & intellectus, super cunctos ariolos & magos, qui erant in universo regno ejus, Dan. 1, v. 10. Hinc etiam in maxima recipit pœna habetur, quando Deus consiliarios, & sapientes de fabris, & peritos Oratores auffert, & dat pueros principes, & infantes, qui dominantur, Esa. 3, v. 2, 3.

3. In Toro. Sapiens enim mulier ædificat domum, Prov. 14, vers. 1. Et sapiens Abi-

In die festo Matthiae Apostoli.

Abigail sepe magnum malum à domo aliqua avertere potest, 1. Sam. 25, 23.

Sic sane sapientia & prudentia insigne Dei donum est, & laudem quoque meretur. Quodsi vero inani sapientia inflatus, verbum & voluntatem Dei contemnas & repudies, quia rationi tuz non consentit, id sane in vituperio ponendum est. Hoc enim Deus ferre nequit: sed omnes qui taliter sapientia sua abutuntur, stulti efficiuntur, Rom. 1. v. 22.

Plato ab omnibus doctis, ob artem & eruditioinem in pretio habetur, ut ab iisdem Divinus appelletur: Vrum cum Mysteria divina, que in sacris habentur, ratione sua metiretur, stultus factus est, ut dixerit: Moses multa dicit, pauca probat.

Adhuc hodie multi occurrunt in omnibus Hierarchiis, qui ad rationem suam, velut ad Lydium lapidem mysteria divina examinare satagunt, & ita salutis suz naufragium faciunt, 1. Tim. 1. v. 19. Beati enim, qui non vident, & credunt, Joh. 20, 29.

Nos curiositatem ejusmodi vitemus, in captivitatem redigentes omnem intellectum in obsequium Christi, 2. Cor. 10. v. 5. Si genuini ejus discipuli esse velimus, respectu ejus enim locum habet, illud *a'les iqa*, ideoque non fallet, sed erit Etiam & Amen, 2. Cor. 1, 20.

Quando liberi à parentibus suis promissionem habent, eidem innituntur, nec dubitant, quin promissa sint daturi: Ita Deus in parvulis delectatur, qui sicut modo geniti infantes lacti salvifici Evangelii inhærent, 1. Pet. 2. v. 2. & quod in hoc mundo comprehendere nequeunt, id differunt in alteram vitam, ubi revelata facie gloriae Domini tanquam in speculo recipient, 2. Cor.

5. v. 7. Hi parvuli maximi sunt in regno cœlorum, Matth. 18, 1. Ex ore corundem perfecit sibi robur, quo omnes inimici ejus destruentur, Psal. 8. v. 3.

II. Status nostri delineationem. Qui ob oculos nobis ponitur:

*I. Sub imagine laborantium. In Græco est *νοτιόντες*, quod est, molesto labore defatigati, sicut Ægyptii ad amaritudinem producebant vitam Israelitarum operibus duris luti & lateris, omniq[ue] famulatu in agro, Exod. 1. v. 14. Sic & in *captivitate Babyloniae* qucri tenebantur, super cervices nostras urgemur, lassis non datur requies, Thren. 5. v. 5. Idem accidit *Christianis*, in *tribus prioribus seculis*, qui partim in lapidicinis operas facere, partim immanes montes perfodere, & alios molestos labores exantlare tenebantur, ut Historia Ecclesiastica testatur.*

Sicut igitur hæc magna miseria est, si ita supra vires & quidem sine mercede labore cogari: ita Christus hoc ipso totius generis humani miseriam delineare volunt, in quam per tristem Protoplastorum lapsum incidimus, homo quippe nascitur ad laborem, sicut avis ad volatum, Hiob. 5. v. 7. & hoc tolerabile adhuc foret, si maledictio non accessisset, Gen. 3, 17. & multæ ærumnæ, quibus propter peccata subjecti sumus, quarum variationes & exercitus sepe contra nos sunt, Job. 10, 17. ut non immerito Ecclesia canat :

Hic scena amaritudinum,
Angoris & discriminum,
Dies breves hic ducimus,
In luctibus,
In lucta idem perpendimus:

Eg

Es ist allhie ein Jammerthal
Angst/Noth/und Trübsalüberall/
Des Bleibens ist ein kleine Zeit/
Voll Mühseligkeit/
Un' were bedenkt/ist immer im Streit/
Dum enim homo vivet, dolebit, & anima
illis in ipso lugebit, Hiob. 14.v.22. Nec finis
miseriarum est, dam beate in Domino mori-
atur, usque in diem sepulturae in matrem
omnium, Sir. 40.7.

2. *Sub imagine bajulantium. Hoc spiritu-*
aliter in omaibus hominibus locum habet,
ut onerati sint, sicut Christus hic loquitur,
& tanto onere premantur, quo in abyssum
infernalem deprimerentur, nisi in tempore
gratiae per salutaria media eo se expedirent.
Quale vero hoc onus? Nihil aliud quam pec-
catum, in quo concepti & nati sumus, Psal.
51.v.7. Et quia hunc malorum fomitem in
mundum offerimus, facile scintilla de
concupiscentia carnis, concupiscentia oculi-
rum, & superbia vita se infatuare potest,
1. Joh. 2.v.16. ut nocentissimum incendium
suboriatur, usque ad perditionem devorans
Hiob. 31.12. Jac. 1.15.

Quando igitur homo viginta, triginta,
quadraginta, quinquaginta vel plures annos
in vivis fuit, & vitam suam ad normam
decalogi examinabit, magnam peccatorum
& flagitorum colluviem ille cumulabit,
qua velut grave onus animam ejus augent,
ut causam habeat cum Davide conquerendi:
Iniquitates meae supergressae sunt caput
meum, & sicut onus grave gravata sunt su-
per me, Psal. 38.v.5.

Hic inspicias velim te. mi Christiane! an-
non & ipse in numero horum laborantium, &
oneratorum sis?

Inveniuntur homines, qui magnam il-

lam peccatorum molem non sentiunt, qua-
cor eorum oneratum est: sed malum ma-
nuum suarum dicunt bonum, Mich. 7.3, sive
autuunt, si à gravioribus peccatis morta-
libus abstineant, & legi externam obedien-
tiam præstent, omnia esse in vado. Verum,
minuta etiam peccata si negligantur, occi-
dunt: Quinimo: Nullum peccatum adeo ve-
niale est, quin fiat si placet, criminale, ut Au-
gustinus ait.

Navis æque submersi potest, si rimiræ
non obstruantur, quam si aquæ perhiatus
illabuntur.

Simercator parvas expensis & acceptas
in rationes non refert, æque perire potest,
quam si magnas negligit.

Non Deus tam parvitatem peccatorum,
quam obedientiam mandatorum respicit.
Putasne quod ob pomi et unum tantopere ira-
scatur? Gen. 3.6.14. Aut ligni collectio-
nen in sabbatho, tanti æstimet? Num. 15.v.
32, aut Beth-samitas tanta pena afficerit,
quod foederis arcum vidiscent, 1. Sam. 6.13.
Aut Ozam, quod bona intentione manum
ad eam extenderit? 2. Sam. 6.v.6. Obedien-
tiam ille requisivit, quam in minutioribus
hisce æque ac in majoribus præstitam vult.
Idcirco peccata non extenuare debemus,
siquidem & nullum extenuandum est: sed
quasi à facie colubri fugiamus ea, Sir. 21.2.
Vere B. Lutherus: Vere peccatum tam ma-
gnum est, quam magnus est, qui peccato offen-
ditur, eum autem cælum & terra capere non
possunt.

Hoc perpendentes, quando nos ad hoc
vel illud peccatum diabolus seducere sat-
agit, eidem obsequi minus debemus, sed sem-
per exitum respiciamus, cum Demosthenè
dicente: Tanti pœnitere non emo. Momen-

taneum est, quod delectat, aeternum, quod crudi-
ciat. Vermis enim damnatorum non mori-
etur, & ignis eorum non extinguetur, & e-
runt abominatione omni carni, Esa. 66. v. ult.

III. Blanda Christi invitatio, quæ triplex
fit. Vocat enim ad se omnes laborantes
& oneratos:

1. Ad refocillandum. Si quis infirmus est,
 & accipitamicum, qui curam sui agit, hoc
 in beneficii loco reputare debet, quale ex-
 exemplum recensetur, 1. Sam. 30, 11.

Pari modo nos Christus reficit, qui alias
 anima laboramus, in verbo & sacramentis,
 ut incedamus in fortitudine Domini, Psal.
 71. v. 16. ne deficiamus in tribulationibus,
 Eph. 3, 13, sed bonam militemus militiam, 1.
 Tim. 6. v. 12. scientes, quod Deum dilig-
 entibus omnia in bonum cooperentur,
 Rom. 8, 28.

Hic probate, mi Christiane! utrum hanc
refectionem ex animo desideraveris, aut forte
alibi quaesiveris?

Quando filii hujus seculi se refecturi sunt,
abuent in popinam, ubigenio indulgent, vi-
noque & epulis se replent, hæc eorum re-
creatio est, postridie vero agrotant crume-
nam & caput, juxta adagium: Allzeit na-
schen/macht leere Taschen. Quin corpus at-
que animam gravant, ut ad omnia munia
inhabiles fiant, Luc. 21, 34. Propterea com-
merciū eorum fugientes, apud Christum
divertamur, qui non habentes argentum
reficit, & sine ulla commutatione largitur
vinum & lac, ut vili comedentes in pingui-
tudine delectare possimus, Esa. 55. vers.
1. 2.

2. Ad portandum. Dicit enim, tollite jugum meum super vos. Per hoc jugum non li-
 gneum jugum intelligitur, quo jumenta ju-

gantur, sicut accipitur, Job. 39, 13. Nunquid
 alligabis Monocerotem ad arandum, loro-
 tuo? Neque peccatorum jugum, de quo Si-
 racides: Beat⁹ est, qui tectus est à lingua ne-
 quam, cap. 28. v. 23. & Palus: Nolite jugum
 ducere cum infidelibus, 2. Cor. 6, 14. Sed:

1. Jugum doctrinae, sive jugum novi testa-
 menti, ubi quidem lex & Evangelium pro-
 miscue prædicantur: sed fidibus lex non
 amplius jugum servile est, Act. 15, 10. quia
 filii Dei sunt, quibus Deus signoscit, etiam si
 perfectum scopum, quem lex requirit, attinge-
 re non possint, hinc Johannes: Hæc est
 caritas Dei, ut mandata ejus custodiamus, &
 mandata ejus gravia non sunt, 1. Joh. 5. v. 3.
 Ita sumus populus spontaneus, Psal. 110, 3. &
 praestamus, quæ possumus, cetera, quæ no-
 bis desunt, in Christo quærimus, qui nobis
 à patre suo factus est sapientia, & justitia, &
 sanctificatio & redemptio, 1. Cor. 1. v. 30. ut
 de plenitudine ejus accipiamus gratiam pro-
 gratia, Joh. 1, 16.

2. Jugum discipline. Hoc sensu Rehabe-
 am dicit ad subditos suos: Pater meus po-
 sit super vos jugū grave, ego autem addam
 super jugū vestrū, 1. Reg. 12, 11. Ipse De-
 us captivitatem Babyloniam jugum vocat,
 Jer. 27, 8. Confer, Thren. 3, 27.

Quemadmodum enim duo boves jun-
 guntur, ut æquo jugo trahant: Ita & nos
 per jugum crucis Christo quasi copulamur,
 ut crucem ejus feramus, & sicut ipse per
 multas tribulationes in regnum cœlorum
 intremus, Apoc. 14, 22.

Evidem Christum adæquare non po-
 sumus. Solus enim torcular ira divina calca-
 vit, Esa. 63, 3. Et erucem tulit, ubi difficilli-
 ma fuit, nos vero cum Simone Cyrenæo il-
 lam ex parte sustinemus, & sequimur eum,
 Mtath.

Matth. 27,32. Ipse manibus pedibusq; extensis cruci afflixus fuit, nos vero cum Johanne & Maria juxta crucem stamus, Joh. 19,25. Interea nobis cum Christopatiendum & commoriendum est, si cum illo conregnare & convivere velimus, 2. Tim. 2,11.

Hic ex amine velim te, strum & ipse collum tuum jugo Christi a quo animo subderis?

Carni quidem & sanguini id molestum videtur, interim tamen intuitu magnae utilitatis, felices nos censemus, si jugo huic alligemur, Omnis enim disciplina in praesenti quidem videtur non esse gaudii & mearoris, Heb. 12,1. Sicut enim boves non semper jugo alligati sunt: sed quando vespera fit, solvuntur: Ita nec nos jugum semper portare debemus, verum quando sabbatum vita eterna ingruit, solvet nos Dominus, ut in requie securitatis, Esa. 32,19. sabbatum ex sabbatho celebremus, Esa. 66,23. & cum Domino semper simus, 1. Thesi. 4,17.

2. *Ad informandum.* Discite a me, ait: quia mitis sum, & humilis corde.

Duo hic a Christo discere debemus:

1. *Lenitatem.* Hacten virtus est, quæ non vincitur a malo, sed vincit in bono malum, Rom. 12, v. ult. hominibus suadet, 2. Cor. 5, v. 11. ut & illi, qui præoccupati sunt in aliquo delicio, instaurentur in spiritu lenitatis, Gal. 6,1.

2. *Humilitatem,* qua de Cyprianus ait, quod sit foror patientia; Ubi enim vera animi humilitas est, ibi facile in rebus secundis modeste; & in adversis patienter nos gerere poterimus, dicentes cum Jobo: Si bona suscepimus &c. c. 2. v. 10.

In utroq; nobis exemplo suo Christus prebit. Licet enim in forma Dei esset, non rapinam arbitratus est, esse aequalem Deo, Phil. 2,6. Deinde cum passionem subiret,

non aperit os suum: sicut ovis ad occisionem dicitur, Esa. 53,7. Cum malediceretur non maledicebat, 1. Pet. 2,23.

Hic probes velim te, utrum & ipse scholam Christi frequentaveris, & has duas virtutes a Christo discere studieris?

Hic magni defectus occurunt, mundus enim plenus fastu est, qui semper plus ultra meditatur, sicut hoc semen suum antiquus serpens Protoplantis nostris insevit, ut sorte sua minime contenti, sicut Deus esse voluerint, Gen. 3,5. hinc sequuntur inimicitiae, contentiones, emulationes, iræ, dissensiones, homicidia, Gal. 6,20. Inter superbos enim semper iurgia sunt, Prov. 13,10.

Propterea veri Christiani semper humilitati studeant oportet, ut nihil faciant per contentionem, neque per inanem gloriam, Phil. 2,3. & mansuetudo sponte sua sequetur, ut alter alterius onera portemus, & sic adimpleamus legem Christi, Gal. 6. v. 2.

De Secundo.

Transibimus nunc ad alteram partem, *χριστονακιαν*, sive notitiam Christi, contemplaturi. Hic nobis in praesente Evangelio commendatur:

1. *Tanquam patris sui glorificator,* ait enim: Confiteor tibi, pater Domine cœli & terræ, quia hæc abscondisti a sapientibus & prudentibus: & revelasti ea parvulis. Ita semper panes accipiens, oculis ad cœlum elevatis, patri suo gratias egit, Marc. 8,6. Joh. 6,11. & alibi passim, idcirco ait ad Judæos: Honorifico patrem meum, Joh. 8. v. 49.

Hinc igitur facile, quid nostri officii sit,

P p 2 colli-